



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1181/09
Sarajevo, 10.12.2009. godine

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO


PRIMLJENO:	10.12.2009
Organizaciona jedinica	
Identiifikacioni broj	01-50-1-15-10/09
Broj	
Prejeto	
Poslato	

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 108. sjednici održanoj 10.12.2009. godine, utvrdilo je Odgovor na zastupničko pitanje koje je Adem Huskić, zastupnik u Zastupničkom domu Parlamentarne skupštine Bosne i Hercegovine, postavio na 50. sjednici ovog doma održanoj 1.4.2009. godine.

U pravitku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



BOSNA I HERCEGOVINA
VIJEĆE MINISTARA

Broj: 05-50-1181/09
Sarajevo, 10.12.2009. godine

Adem Huskić, zastupnik u Zastupničkom domu Pralamentarne skupštine Bosne i Hercegovine na 50. sjednici Zastupničkog doma održanoj 1.4.2009. godine, postavio je sljedeće zastupničko pitanje:

***“Da li je Vijeće ministara Bosne i Hercegovine, odnosno Ministarstvo vanjskih poslova Bosne i Hercegovine, poduzelo korake ka sklapanju ugovora sa SAD-om o poreznim olakšicama za građane Bosne i Hercegovine?
Ako nije, kada se planira pokrenuti ovo pitanje? “***

Na postavljeno pitanje, Vijeće ministara Bosne i Hercegovine je na 108. sjednici održanoj 10. 12. 2009. godine, utvrdilo sljedeći

O D G O V O R

Ministarstvo financija i trezora je, sukladno članku 11. Zakona o ministarstvima i drugim tijelima uprave Bosne i Hercegovine („ Službeni glasnik „, broj 5/03, 42/03, 26/04 i 42/04), mjerodavno za principe porezne politike i pripremanje ugovora, sporazuma i drugih akata kojim Bosna i Hercegovina preuzima zajmovne i druge financijske obveze sa drugim zemljama i međunarodnim organizacijama.

Što se tiče liste zemalja sa kojim Bosna i Hercegovina planira pregovore o zaključivanju Sporazuma o izbjegavanju dvostrukog oporezivanja, ona se prvenstveno sačinjava godišnje po osnovu iskazanih zahtjeva tih zemalja da se zaključi Sporazum, a koje dobijamo putem Ministarstva vanjskih poslova u formi nota, zahtjeva ili informacija sa sastanaka visokih dužnosnika.

Naravno, Vijeće ministara, Ministarstvo financija i trezora, entitetske Vlade i Ministarstva financija mogu pokrenuti inicijativu za pregovore sa nekom od zemalja koje nisu prve iskazale potrebu za takvim Sporazumom, a sukladno članku 4. Stavak 1. Zakona o postupku zaključivanja i izvršavanja međunarodnih ugovora („ Službeni glasnik Bosne i Hercegovine „, broj 29/00).

Također, prihvatamo sugestiju, cijeneći potrebu zakonodavnih i izvršnih organa, Vlada entiteta i drugih organa i institucija za Sporazumima sa određenim zemljama iz kojih se investira u Bosnu i Hercegovinu.

Listu zemalja, formiranu po prethodnoj proceduri, usvaja Vijeće ministara u okviru Godišnjeg programa rada Ministarstva financija i trezora. Ona se u toku godine može dopuniti i sa drugim zemljama, ukoliko se radi o hitno iskazanoj potrebi drugih država ili naših organa ili institucija.

Ministarstvo financija i trezora je 02.10.2009. godine, preko Ministarstva vanjskih poslova Bosne i Hercegovine, zaprimilo akt Zastupničkog doma Parlamentarne Skupštine kojim se inicira Sporazum o poreznim olakšicama sa SAD-om. U Godišnjem programu rada Ministarstva financija i trezora za 2010. godinu, koji je u fazi predlaganja Vijeću ministara, svakako će biti kao prioritet planirani pregovori sa SAD-om .



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1182/09
Sarajevo, 25.5.2009. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 26.05.2009

Organizaciona jedinica	Klasifikaciona oznaka	Redni broj	Broj priloga
01-50-1-15-50			8

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

PREDMET: Odgovor na zastupnička pitanja – dostavlja se

Vijeće ministara Bosne i Hercegovine, na 87. sjednici održanoj 14.5.2009. godine, utvrdilo je Odgovor na zastupnička pitanja koja je Adem Huskić, zastupnik u Zastupničkom domu Parlamentarne skupštine Bosne i Hercegovine, postavio na 50. sjednici ovog doma održanoj 1.4.2009. godine.

U pravitku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK

Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1182/09
Sarajevo, 14.5.2009. godine

Adem Huskić, poslanik u Predstavničkom domu Parlamentarne skupštine Bosne i Hercegovine na 50. sjednici Predstavničkog doma održanoj 6. aprila 2009. godine postavio je sljedeća poslanička pitanja:

- „1. Koji su razlozi da je BiH na 119. mjestu u svijetu po uslovima poslovanja, ako znamo da bez investicija nema brzog razvoja zemlje? Da li će se napraviti Mapa puta koja će nas dovesti do povoljnijeg poslovnog ambijenta?
2. Koliko je registriranih preduzeća na hiljadu stanovnika u BiH, a koliko u zemljama regiona, a koliko u zemljama EU? Malo da se pozabavimo tom statistikom?“

Na postavljeno pitanje, Vijeće ministara Bosne i Hercegovine je na 87. sjednici održanoj 14.5.2009. godine, utvrdilo sljedeći

ODGOVOR

Odgovor na postavljeno pitanje br.1

Na osnovu studije „Ocjena investicione klime“ koju su uradili eksperti Svjetske banke, Bosna i Hercegovine je rangirana na 119. mjesto od ukupno 181. posmatranu zemalju. Izvještaj o globalnoj konkurentnosti, Svjetskog ekonomskog foruma i njegov index (GCI) stavljaju BiH na 106. mjesto od 131. posmatranu zemlju. Ove studije se rade na osnovu provedenih istraživanja putem anketnih pitanja, razgovora sa menadžment timovima privrednih društava, kao i korištenjem ostalih raspoloživih informacija i podataka.

Poslovni lideri su u svojim odgovorima na postavljena pitanja vezana za poslovno okruženje i problem sa kojima se susreću naveli sljedeće: neefikasna vladina birokratija, politička nestabilnost, korupcija, nestabilnost vlada, poreske stope.

Kada je rječ o studiji koja se odnosi na investicionu klimu za 2009.godinu u obzir su uzeti sljedeći parametri:

Rang BiH

- | | |
|--------------------------|------|
| 1. Pokretanje preduzeća | 161. |
| 2. Pribavljanje licenci | 137. |
| 3. Zapošljavanje radnika | 117. |

4. Registracija imovine	144.
5. Dobijanje kredita	59.
6. Zaštita investitora	88.
7. Plaćanje poreza	154.
8. Trgovanje preko granice	55.
9. Izvršenje ugovora	123.
10. Zatvaranje preduzeća	60.

Na ovakav rang BiH uticale komplicirane i dugotrajne procedure vezane za pokretanje poslovanja, licenciranje, registracija nekretnina i sporost kod izvršenja ugovora. Tako je navedeno da za registraciju preduzeća u prosjeku treba 54 dana (Sarajevo 54, Banja Luka 51 i Mostar 51 dan), za licenciranje 467 dana (Sarajevo 467, Banja Luka 306 i Mostar 541 dan), dok za registraciju nekretnina treba 331 dan (Sarajevo 331, Banja Luka 145 i Mostar 157 dana). Kada je riječ o potrebnom broju dana za izvršenje ugovora stanje je sljedeće : prosjek BiH je 595 dana (Sarajevo 595, Banja Luka 1480 i Mostar 1390 dan).

Svjetska banka, odnosno „Doing business“ tim je na zahtjev predsjedavajućeg Vijeća ministara BiH gđina. Nikole Špirića krajem prošle godine izradio Reformski memorandum za BiH, odnosno „Doing business“ memorandum sa kratkoročnim i srednjoročnim preporukama za pomenutih deset oblasti. U skladu s tim, Vijeće ministara je imenovalo koordinatora za reformu poslovnog okruženja koji je upravo u MVTiEO BiH, dok su entitetske vlade takođe imenovale svoje koordinate. Kratkoročni cilj aktivnosti koordinatora jeste popravljanje pozicije BiH na „Doing business“ ljestvici, ali je dugoročno gledano, cilj upravo realizacija preporuka koje se odnose na poboljšanje zakonskih i podzakonskih akata na državnom i entitetskom nivou koje će unaprijediti poslovanje preduzeća. Da bi se to i realizovalo biće neophodno formirati poseban odjel na državnom nivou čiji bi zadatak bio da kroz saradnju sa entitetskim i kantonalnim vladama, kao i nadležnim institucijama stvori pretpostavke za bolje poslovno okruženje.

U cilju poboljšanja stanja kod registracije kompanija sa elementima stranog uloga MVTEO je potpisalo Sporazum o saradnji sa Foreign investment Advisory Service (FIAS), koji djeluje u sklopu Grupacije Svjetske banke. Osnovni cilj ovog sporazuma je procjena troškova za registraciju društava sa elementima stranih ulaganja. U tom pravcu formiran je radni tim koji je u dosadašnjim fazama rada izvršio analizu postojećeg stanja kroz organizovanje okruglih stolova, putem anketnih listića i upitnika, kao i održavanje fokus grupa. Kao rezultat svih ovih aktivnosti radni tim je uputio Prijedlog Izvještaja Vijeću ministara BiH, sa zaključkom da treba pokrenuti aktivnosti za izmjenu postojećih zakonskih propisa u svrhu pojednostavljivanja postojećih procedura i otklanjanja administrativnih barijera, koji je i nedavno usvojen.

Izvještaj o poslovnoj klimi pored dijagnosticiranja postojećeg stanja daje niz prijedloga, preporuka i sugestija, a može se naći na web sajtu www.doingbusiness.org

Odgovor na postavljeno pitanje br.2

Ministarstvo vanjske trgovine i ekonomskih odnosa BiH ne raspolaže sa egzatnim podacima o broju registrovanih preduzeća na nivou BiH. U okviru Strategije razvoja malih i srednjih preduzeća u BiH za period 2009-2011 godine, nalazi se tabelarni pregled broja malih i srednjih preduzeća, koji prenosimo u cjelosti.

Struktura malih i srednjih preduzeća u BiH

Broj zaposlenih	Ukupan broj pravnih lica u BiH	% od ukupnog broja
1-9	151,107	96.3%
10-49	8,712	5.5%
50-249	1,476	0.9%
TOTAL	161,295	100%

Izvor: Strategija razvoja malih i srednjih preduzeća u Bosni i Hercegovini 2009 - 2011

Strategija razvoja malih i srednjih preduzeća u BiH nedavno je usvojena na Vijeću ministara BiH, a predviđa zakonodavno i institucionalno jačanje na državnom nivou u oblasti MSP. U toku je izrada Zakona o promociji MSP i poduzetništva BiH, a institucionalno je planirano osnivanje Sektora za MSP u sklopu MVTiEO BiH i Forum za ekonomski razvoj i poduzetništvo BiH.

Broj malih i srednjih preduzeća u 11 Evropi

	Albanija	BiH	Hrvatska	UNMIK / KOSOVO	FYR MAKEDONIJA	CRNA GORA	SRBIJA
Ukupno registrirane kompanije	64710	103644	239131	55884	180000	28950	-
Aktivne kompanije	45034	-	111072	42153	44424	-	75430
Ukupan broj MSPa	64658	-	70000	55849	44340	10887	74736
Broj MSPa na 1000 stanovnika	14.4	-	15.6	22.3	21.8	15.9	9.9

Izvor: Izvještaj o implementaciji Povelje o MPS-a za Zapadni Balkan, 2007.

Na osnovu podataka Evropske banke za rekonstrukciju i razvoj broj malih i srednjih preduzeća na 1000 stanovnika u regionima SEE i CEE iznosi: Slovenija 52, Mađarska 89, Češka 86, Poljska 40, Albanija 18, BiH 9, Hrvatska 12, BJR Makedonija 10, Srbija 9, Rumunija 28, Bugarska 30. Učešće privatnog sektora BDP-u u BiH je cca 50%, koliko iznosi i u Srbiji, dok je u Mađarskoj i Češkoj 80%, Bugarskoj i Poljskoj 75%, Hrvatskoj 60%. Ovi podaci pokazuju da BiH mora da uloži još mnogo napora kroz unapređenje poslovnog okruženja, kako bi se privatni sektor razvijao bržom dinamikom.